la prima centena, francesi erano tirati in la rocheta; sichè certo l'ariano.

Di Bergamo, di sier Vetor Lippomano, vidi lettere venute eri di 30. Come si sente bombardar Trezo; ma quel castelan francese, che è il baron di Sbernia, ha messo la gata fuora, et si voleno tenir et non stimano essi spagnoli.

Di Crema, di sier Nicolò da cha da Pexaro proveditor, di 3. Come sta meglio dil mal li vene; scrive si provedi di danari per quelle zente. Et de Trezo, fu preso la prima centena e si tien ancora, imo scrive che con le artellarie erano stà per francesi feriti 4 capi spagnoli, qualli erano stà conduti a Sonzino a medicarsi; chi dice è stà morto el marchexe di la Padula capitano di le fantarie vspane.

Di campo, dil proveditor Capello, di 5, hore 3 di note. Come, havendo volato mandar sier Zuane Vituri proveditor di stratioti con li 500 cavali lizieri justa i mandati nostri verso Salò, non haveano potuto aver il passo a Valezo da li alemani è in quel castello nè a guazo li havea potuto passar il Menzo per esser grosso, unde erano aviati a la volta di Goito e scrito al marchexe per il passo; non sa se lo haverano. Item, manda letere aute da Milan del Guidoto. Scrive dil Caroldo ch' era zonto li in campo, vien da Milan per Venecia, justa la licentia auta.

Di Milan, di Vicenzo Guidoto secretario nostro è col vicerè. Di quelle occorentie, sicome scriverò più avanti.

Vene in Colegio sier Piero Zen, venuto consolo 259 di Damasco, vestito di paonazo, qual è venuto da Parenzo con barca di peota; et referite di quelle cosse di Damasco e dil Cajaro. Fo molto longo, narò il suo infortunio, esser stà retenuto al Cajaro, e altre particularità. Fo laudato de more.

Da poi disnar, fo Colegio di la Signoria e di savii ad consulendum.

In questa matina, domino Daniel Dal Borgo orator dil Curzense, stava a San Zorzi, vene in Colegio e tolse licentia di partir, e liberalissime li fo data. Il Principe li usoe bone parole, et parti poi a di 9 di questo.

A di 8 la matina. Veneno in Colegio li oratori dil Papa episcopo de Ixernia e il Stafileo, con li do oratori sguizari, et sentati exortono la Signoria a volersi risolver e darli risposta di quanto esso Stafileo ha proposto per nome dil Summo Pontefice, per poter concluder questo acordo con l'Imperador per ben de Italia; et altre parole disseno, qual el Stafileo parloe. El Principe li rispose sapientissime che si era stà occupati in altro, e se li risponderia col

Vene l'orator vspano poi con li Cai di X, et stete in coloquii in la materia el trata di far acordo; va dicendo publice vol la Signoria habbi tutto el suo State. State of the state of th

Di Bergamo, di sier Bartolameo da Mosto. di 4, e vidi di sier Vetor Lippomano, di 4, hore 17. Come spagnoli erano atorno Trezo, zoè di là di Ada fanti 4000 e pezi 16 di artelarie, e di qua di Ada fanti 1000 tra spagnoli e lombardi, et che fevano un gran trazer, adeo sabato e domenega si ha sentito li a Bergamo un extremo trazer: fo a di primo et a dì 2. Et poi, dize, si ha che el baron di Bernia ch'è dentro tratava acordo, et era stà mandà a Milan, sichè eri e ozi non si ha sentito trazer; ch'è signal praticano di darsi. Scrive questi cittadini di Bergamo è restà molto suspesi e dubitano, tamen lui non si dubita; è con domino Costantin Paleologo qual aloza in vescoado, e a suo piacer sempre si potrà salvar con essi stratioti e andar a Crema o altrove; sichè non à paura. Dice, eri si ave letere da Crema dal capitano di le fantarie, dimandava danari per pagar li fanti, e li mandasse omnino el proveditor Mosto ducati 2000 aliter li fanti si partiria. Dize esso sier Vetor ne havia trovato da Piero Andrea di Paxin ducati 800 a cambio a darli di qui, unde fo scrito a Crema mandasse a tuor danari, si li daria ducati 1200 perchè ne era scossi di dazii parte. Tamen, par poi dito Piero Andrea di Paxin havesse letere di suo fratello, che quanto a Venecia non li desse e cussì non li vol dar. Item, scrive è zonto uno nontio di Zuan Piero Stella secretario, è apresso sguizari, è zorni 10 parti da lui. 259 ° Dize che acorda la cossa con Frisoni e Grisoni et la Signoria ne averà

Item, post scripta, per una poliza, dize esser venuta nova, portata per villani, che eri la rocha di Trezo si prese et si rese a pati a spagnoli.

Manda una letera fo scrita da Milano a quel proveditor di Bergamo di l'intrata dil Duca, la qual sara notada qui soto, perchè è degna di memoria.

Copia di una lettera di Milan, scrita per Zuan Jacomo Caroldo secretario di la Signoria nostra apresso il cardinal Sedunense, data a dì primo Zener, in Crema. Nara l'intrata dil Duca in Milan.

Magnifice et clarissime domine.

Da Milano scrissi a la magnificentia vostra esser-I mi stà concessa licentia de ripatriare, la qual tuolsi